

جَزَائِرُ حَاكِمَتِ

جمعه ایرتپی

نومرو	ذی الحجه	سنه	ینسان	سنه	صفحه
۱۰۷۷	۱۴	۱۳۱۷	۱	۱۳۱۶	۱۵۵۲۹

(اشهر غزنه بهر هفته جمعه ایرتپی کونتری جبقار . منه لکی در سعادت ایچونه مجیدیه یکرمی غروسه)
 (مسایله التمه غروسه . طره لر ایچونه اوده بسه غروسه بوسه اجرتی ضم اولنور . بهر)
 (نسف سی بنه مجیدیه یکرمی غروسه اولوق اوزره بوزیاره هبرده صانیور . دزج اولنجهی اعلوانانک)
 (هبرنده بر مجیدیه اضداولنور . منه لکه مشتری اولوق استباندر عدیه نظارتی دایره سنده لائنه جبریده)
 (محاکم اداره منه مراجعت ایللمیدر .)

قسمت سی

طرفدن اقامه ایدیلن دعاویدن طولایی مستنطقلر
 جانبندن کوستریلان لزوم مجرد اوزرینه تحت
 توقیفه التقدیه و هیئت اتهامیه دن ویریلان قراره
 توقیفاً محاکمه لرینه ایتدار اولنقدیه و جریان ایدن
 محاکمه لری نتیجه سنده بعضلرینک تربیه لرینه
 و بعضلرینک محکومیتلرینه دایر ویرلمکده اولان
 قرار مدت موقوفه لرندن ده آز اوله رق اعطا
 اولنقدیه و بدایه اجرا قلنسان توقیفلری ایسه
 مغدوریت و خدمات عسکریه لرینک تأخیرینی
 موجب اولمقدیه اولسنه واخذ عسکر معاملاتندن

(فی ۳۰ ذی القعدة سنه ۳۱۷ وفی ۱۸ مارت)
 (سنه ۳۱۶ تاریخیه بالعموم ولایات شاهانه)
 (استیناف محکمه سی مدعی عمومیلرینه و مدعی)
 (عمومی بولنمیان محللر مدعی عمومی معاونلرینه)
 (یازیلان تحریرات عمومی صور تیدر)

ضابطان و افراد عسکریه علیهنده اهالی

وسأردن ناشی اهلینک ضابطان حقنده اغبرار حاصل ایدرک مدعیات کاذبه ده بولنملری غیر مستبعد بولنمسنه مبنی بعدازین ضابطان و افراد عسکریه حقنده اهالی طرفندن وقوعبوله جق ادا و ایقاع اولنان جرائم و جنایات جرائم مشهوده درجه سنده اولدجه بونلرک تحقیقات ابتدایه و سطحیه اوزرینه تحت توقیفه الیریلوبده مغدوریتلرینه و امور مأموره لرینک سکتهدار اولمسنه میدان و امکان ویرلامسی و سائلنک استکمالی لزومی بشیخی اودوی هایون مشیریت جلیله سندن وارد اولان تحریرانده بیان و ازبار اولنمش و واقعا جنایت و جرائم مشهوده قیلندن اولمیان مدعیات مجرده اوزرینه جریان ایدن تحقیقاته بناءً مستنطقلر طرفندن ویریلان مذکره لرله ضابطان و افراد عسکریه نک تحت توقیفه النملری طلب اولدینی حالده حقننده کی محاکمه جاریه اکثریا برائت قراریله نتیجه لنمکده و بوده استلزام مغدوریت ایتمکله برابر اویوزدن وظیفه عسکریه لری اوزرنده ده برر صورتله تأثیرات مانعه تولید ایلمکده اولمسنه و افراد عسکریه همیشه تحت نظارت انضباطده بولندینی اجلدن حقننده هرکونه واقع اوله جق شکایات بالحا که قانوناً مستلزم مجازات اولدینی تقدیرده اشبو

مقررات اجراییه نک قطعت کسب ایتمسیله برابر قوماندانلقلرجه ده اجرایی امور طبعیه دن بولنمسنه نظراً اوتمالو جنایات و جرائم مشهوده خارجنده اولان مدعیات اوزرینه قبل الحکم ضابطان و افراد عسکریه نک توقیفلری طلب اولنماسی ضمنده ایجاب ایدنلره اجرای تبلیغات اولنسی محاکات دائره سی افاده سیله وارد اولان ۲۱ جمادی الاخر سنه ۳۱۷ و ۱۶ تشرین اول سنه ۳۱۵ تاریخلی تذکره سرعسکریده اشعار اولنور جرائمدن طولایی مظنون علیهنرک توقیفی قانوناً مستنطقلره عائد صلاحیت ایجاباتندن اولمسنه کوره بونک بر صورتله تقیدی جائز اوله منر ایسده صلاحیت مذکور نک اسناد اولنان جرمک نوع و ماهیتی و مظنون علیهمک حال و سیرتی و بر طرفه فرار ایتمسک ملحوظ بولنمی و جرم مسنده متعلق فی الجمله دلائل و اماراتک تحصیل ایتمسی کی احوالک مستنطقلرجه نظر دقته النهرق اکاکوره تقدیر و استتمالی دخی حکمت قانونیه مقتضیاتندن بولندیغه و فی الحقیقه ضابطان و افراد عسکریه نک دائماً تحت نظارت و انضباطده بولندقلری جهته معامله توقیفیه نک اونه نقطه نظرندن انخازینه محل اولدینی کی مدعیات مجرده اوزرینه اساساً توقیفک جائز اوله میه جنی

درکار بولندیغه نظراً ضابطان و افراد عسا کر شاهانه حقننده اسناد اولنان افعال جرمیه اوزرینه قانونک مقصد و تعریفی وجهله احوال و شرائط محرره نک تدقیقه اکاکوره توقیفلرینه مبادرت و تحقیقاتک اکالنه مسارعت اولنسی و مغایر اصول و قانون حالات ایقاعیه ضابطان و افراد عسا کر شاهانه نک طول مدت تحت توقیفده بولندیرلملری اسبابنک استکماله دقت اولنسی حقننده سائر استیناف مدعی عمومیلکلرینه تبلیغات ایفا قلندینی کی اشبو تحریراتک نسخ مطبوعه کافیه سی دخی لفاً تسبیح قلنمش اولمغه لدی الحاجه اولوجهله ایفای معامله یه اعتنا اولنسی سیاقده

مأموریندن سلاح الته النانلرک نصف معاشلرینک عائله لرینه و نصف دیکرینک یرلرینه تعیین اولنه جق وکیللره اعطاسی حقننده اتخاذ و وظائف مشترکه اصحابندن اولان کتبه یه دخی تعیم اولنان قرارک خدمت عسکریه نک موظف قسمی ایچون بدل نقدی ویرنلرک بر موجب نظام سلاح التده بولنه جقلری مدته می یوقسه خدمت موظفه سی بدل نقدی ویرمکسزین ادا ایده چکلر ایله افراد ردیفه دن اولوبده طابورلری سلاح الته النه جقلرک طابورلرینک ترخیصه قدر دوام ایده جک زمانه می عائد اولدینی بعض طرفندن استفسار ایدلسی اوزرینه شورای دولت تنظیمات دائره سندن اعطا اولنان مضبوطه قرار مذکور علی الاطلاق سلاح الته النانلره مخصوص اولدینی جهتیه برکونه ترده محل اولدینی بسط و تمهید اولنمش اولدینی بوکره باتذکره سامیه تبلیغ و اشعار بیورلش و کیفیتک لازم کلنلره تعمیماً ازباری ضمنده اشبو تحریراتک نسخ مطبوعه کافیه سی لفاً کوندلرلش اولدینی بیانیله شقه

(بالجمله ولایات استیناف محکمه سی مدعی)
(عمومی کلرینه و مدعی عمومی بولنمیان محللر)
(مدعی عمومی معاونلرینه یازیلان تحریرت)
(عمومی صورتیدر)

قسم غیر رسمی

ارضرومك على باشا محله سنده مقیم صارویان
استپان ایله بیننده متحدت دعوایه دأر ارضروم
تجارت محکمه سندن ویریلان ۱۵ حزیران سنه
۳۱۴ تاریخلی اعلامك تمیزی مستدعی باسینلر
قضاسنك قزل قلعه محله سنده ساکن اسماعیل
اوغلی عارف اغانك اعطا ایتدیکی عرضحالك تمیز
مدتلك مرورندن ناشی ردینی متضمن محکمه تمیز
استدعا دائره سندن صادر اولان ۲۵ مارت سنه
۳۱۵ تاریخلی والی طقوز نومرولی اعلام علیه
تصحیح قرار طلبی حاوی مرقوم عارف اغا طرفندن
عرضحال ویرایش ایسه ده تشکیل محاکم قانونك
تعديل اولسان دردیجی فصلك سکرینجی
ماده سنده محکمه تمیز استدعا دائره سی حکم
و قرارلری علیه اعتراض و تصحیح قرار جائز
اولدینی محرز اولدیغندن ماده مذکوره حکمه
توفیقاً مذکور تصحیح قرار استدعاسنك ردینه
و مستدعی مرقومدن اولجه النان یوز غروش
قبول استدعا خرجندن اشبو اعلامك خرجی
اولان یوز غروشك تقاض و محسوبیه یوز بیجق
غروش جزای تقدینك و زنه جه ایراد قیدینه

وزیرده مقرراتی مرقم الی درت غروش اون
پاره مصارف سائرته نك دخی مستدعی مصحح
مرقومه رجوع ایتك اوزره اول امرده مصحح
علیهندن النسنه ۲۱ ایلول سنه ۳۱۵ تاریخنده
متفقاً قرار ویرلدی .

زوالانی فهم و شوقی بنان وعاصم و کوریجه
قصبه سنده مقیم عمر و محمد بنان طالب بککرایله
ینلرلنده متکون دعوایه دأر مناستر ولایتی
استیناف محکمه سندن صادر اولان ۲۸ نیسان
سنه ۳۱۵ تاریخلی اعلامك تمیزی مستدعی
مناسترک سلطانیه محله سنده ساکن برادری یانقو
و والده سی الی و همشیره سی پراشکوه طرفلرندن
وکالة و نفسندن اصالة پتراکی میخال و اناباشک
ویردیکی عرضحال و متفرعاتی باش مدعی عمومیلک
مأموریت علیه سنك مطالعه نامه سیله برلشدیریله رک
محکمه تمیز استدعا دائره سنده لدی التدقیق مدت
و شروط قانونیه سنه موافق و میز علیهمک لایحه
جوابیه لرلنده شرائط حقننده سرد ایلدکلی
اعتراض غیر وارد اولغله استدعای مذکور
بالقبول اعلام مزبورک شامل اولدینی صلاحیت

قراری حقننده تدقیقات تمیزیه اجراسننه ابتدار
اولندی

اعلام مذکورک خلاصه مآلی مرقومون
پتراکی و یانقو والی و پراشکوه نك امره محرز
برقطعه سندن موجبیه مومی الیهم فهم و شوقی
وعاصم و عمر و محمد بککرایله قوزانه رژی مدیری
رفت افتدی ذمتلرلنده یکدیگریله کفیل بالمال
اوله رق اله جقلری اولان یوز الی ایکیسک
اوچ یوز کسور غروشك تحصیل و مبلغ مزبورک
تأمین استیفاسی ضمننده مدیون مومی الیهمک
ذخائر متنوعه سی اوزرینه وضع ایتدکلی
حجزك تصدیقی حقننده مناستر مرکز بدایت
محکمه سنه بالمراجعه اقامه ایلدکلی دعوانك انشی
محاکمه سنده مدعی علیهم و کیلی مؤکلرلندن
فهم و شوقی بککرایله مناسترده بولملری و نامزاج
بولنان همشیره لرینک تدایوسی و جوجقلرینک
تدریسی مقصودینه مبنی اوله رق موقت اولدینی
کی دیگر مؤکلرلندن محمد بک مناسترده اولدینی
مشللو عمر بکک دخی اقامتی موقت ایدوکی
و بناءً علیه مؤکلرینک اقامتگاهلری محکمه سنده
اقامه دعوی اولغلق لازم کله جکی مدافعه
درمیان ایتسنه مقابل مدعیلر و کیلی دخی فهم

و شوقی بککرایله بش الی سنه دن برو مناسترده
بولنمی اقامتگاه اصلیلرندن فك ارتباطی ایما
ایتدیردیکی کی اساساً معامله لریده مناسترده
دوران ایتکده بولنسیغنی جواباً ازبار ایتمی
اوزرینه اوللایده سبق ایدن محاکمه و تدقیقات
ابتدائییه نتیجه سنده مدعی علیهمدن فهم و شوقی
بککرایله اقامتگاهلری مناستر قصبه سی اولدیغنه
و نفوس دفترلنده مسجل بولمقلری دخی نفوس
دائره سندن وارد اولان جوابنامه دن اکلاشلیغنه
و مدعی و کیلرلری مومی الیهمانك مناسترده
اقامتلرینه مخصوص خانه لری اولدینی بیان
ایتملرینه ابتداء دعوی واقعته نك ردینه و حجز
موضوعك فکته متدار ذکر اولنان بدایت
محکمه سندن صدور ایدن اعلامك عندالاستیناف
تصدیقته حکمدن و مستدعی تمیزلرک اشبو حکم
علیهنده لایحه لرلنده مندرج اعتراضلرینک
مؤداسی نقصانی تدقیقاته مبنی اولان صلاحیت
قرارینک نقضی و میز علیهمدن فهم و شوقی و محمد
و عمر بککرایله اعطا ایلدکلی لایحه مشترک لرلنده
محرز نتیجه جوابلری دخی غیر وارد اولان
اعتراضاتك ردیه موافق اصول و قانون بولنان
اعلام مزبورک تصدیقی استدعاسندن و مطالعه
نامه نك مفادیده اعلام میز بده کوستریلان

اسبابه نظراً صلاحیتہ دائر لایحۃ تمیزیہ در میان
اولنان اعتراضاتک موافق قانون کوریلہ مدیکی
بیانندن عبارت بولمشد

ایجابی لدی المذاکره اعلام استینافی مؤدا سندن
نمایان اولدینی اوزره مدعی علیهمدن فهم وشوق
بکلرک مناسرت نفوس دفترندہ مقید اولمدقلری
نفوس دائره سندن لدی الاستعلام اکلاشلش
اولدینی بیانیله عدم صلاحیتدن طولای رد
دعوايه دائر ویریلان اعلام ابتدائیک تصدیقه
قرار ویرلمش ایسده اول بول مومی الیهمانک
اقامتکاه دائمیری اولدینی ادعا ایلدکلری محل
نفوس جریده سنده مقید اولوب اولمدقلرینک
واصولی دائره سنده فک ارتباط ایدوب
ایتمدکلرینک محل مذکور نفوس اداره سندن
استعلامیلہ تبیین ایدجک احواله کوره کیفیتک
تحت قراره النخی لوازم قانونیه دن ایکن اویولده
استعلام مصلحت و اجرای تحقیقات اولمقسزین
برمنوال محرر وظیفه حقندہ قرار ویرلمش مغایر
قانون اوله رق نقض حکمی مستلزم کورندیکندن
اصول محاکمه حقوقیه قانوننک ایکوز اوتوز
ایکنجی ماده سی موجبہ اعلام میزبہک نقضیلہ
کیفیتک احکام قانونیه دائره سنده یکیدن بالتدقیق
اعلامه ربطی ضمنندہ مناسرت استیناف محکمه سنه

اعاده سنه وزیرده مفرداتی مرقم بشیوز سکسان
سکز بجق غروش مصارف تمیزیہ نک بالاخره
حقسز چیقہ جق طرفه راجع اولمق اوزره
اول امرده مستدعی تمیزلردن النسخه ۲۵
تشرین اول سنه ۳۱۵ تاریخندہ متفقاً قرار
ویرلدی .

آیدین ولایتی استیناف محکمه سی جزا
دائره سندن صادر اولوب ۲ کانون اول سنه ۳۱۵
تاریخندہ تفهیم ایدیلان وظیفه و مرور زمان
قرارلرینی حاوی اعلامک تمیزیہ مستدعی دیون
عمومیہ اداره سی طرفندن اعطا اولنان ۹
کانون اول سنه ۳۱۵ تاریخلی استدعانامه واوراق
متفرعه سی باش مدعی عمومیلک مأموریت
علیه سنک ۱ شباط سنه ۳۱۵ تاریخلی تبلیغنامہ سی
ایله برلشدیریله رک محکمه تمیز استدعا دائره سنه
تودیع اولمغله لدی التدقیق مذکور استدعانامه نک
مدت قانونیه سنه وشروطه موافق اولدینی
اکلاشلدیغندن واوراق مذکورده دائره جه قرائت اولندی
اعلام مذکورک خلاصه مالی روسیه دولتی

تبعه سندن اپوستول چمبولو ورققاسی ایله دیون
عمومیہ واردات محصصه اداره سی پیننده اذمیدده
سیدی کوی ناحیه سنه تابع المان بوغازی نام
چقتلک دروننده ضبط ومصادره اولنان معلوم المقدار
دخان ایله آلات وادواتدن طولای اقامه اولنان
دعوانک انشای رؤیتندہ مرقوم چمبولونک وفاتی
وقوعیلہ اخیراً یونان دولتی تبعه سندن اولان
کیمسه لر ایله ازدواج ایللری حسیبلہ بالطبع
تبدیل تابعیت ایلدکلری ادعا اولنان ورثه دن ماریا
وخریقلیا ووالیسلکی والسنک یونان تبعه سندن
اولوب اولمدقلرینک تحقیقی ضمنندہ مرکز مدعی
عمومیلکنه مذکورہ تسطیرینه وتحقق ایلدیکی
حالده بالذات کندولرینه جلبنامہ تبلیغه و دیگر
مظنون علیه اولوب نامنه جلبنامہ تبلیغ اولمغدی
اکلاشیلان ماریایه دخی آروجه جلبنامہ تبلیغه
وجوابی ورودندن صکره محاکمه دوام اولمق
اوزره کیفیتک وقت آخره تعلیقندہ دائر بدایه
ویریلان حکمک استیناف ایدلسی اوزرینه محکمه
استینافیه جه دخی ورثه نک جلب اولنمیان قسمنک
محکمه یه جلی لازم کلوب کلیه جکی حقندہ قرار
اعطاسی ومدعی علیه وکیللری طرفندن درمیان
اولنان مرور زمان ووفات جهتلرندن طولای
دعوانک مسموع اولوب اولیه جنی حقندہ کی

طلبک تدقیقیله دعوانک مسموع اولدینغه قرار
ویرلدکن صکره چقاق اولدینی دعوی اولنان
توتونک چقاق اولوب اولمغینک وچقاق اولدینی
حالده جزای تقدیسنک ترکه دن تحصیل لازم
کلوب کلیه جکنک و ترکه دن جزای نقدی لازم
کلیدکی تقدیرده ترکه نک بین الورثه تقسیم اولوب
اولمغینک و تقسیم اولمش ایسه واضع الید
کیلر اولمغینک تدقیق وتحقیقه اکاکوره قرار
ویرلمک لازم کلورکن بدایت محکمه سی بوجهتلی
تدقیق ایتیرک عموم ورثه نک جلبه قرار ویرمش
اولسنه وورثه میاننده برقسمنک محکمه ده حاضر
ایکن جلب اولنمیان قسمنک دخی محکمه یه اجابته
اجباری دعوانک مسموع اولسنه متوقف اولوب
مدعی علیه وکیللری طرفندن ایسه مرور زمان
وقوعی واصل مظنونک وفاتی سببیلہ دعوانک
مسموع اولیه جنی ادعا اولمغندہ بولمسنه وبوایسه
مرور زمان ووفات سببیلہ دعوانک مسموع
اولوب اولمغینک حله وابسته بولندینغه مبنی
ورثه دن ماریایه دخی جلب تبلیغی حقندہ کی حکم
ابتدائیک فسخیله مزبورہ نک جلی لازم کلوب
کلیه جکی قرارلشدیرلمق اوزره اول امرده مرور
زمان خصوصنک واصل مدعی علیهک وفاتی
سببیلہ دعوانک مسموع اولوب اولمغینک تدقیقه

قرار ویرلیدیکندن و مذکور استعدانامهیه مربوط
لایحهده مندرج اعتراضك خلاصهسی دخی ورثه
وکیلنك مواد جزائیة ایچون وکالتی اولمدینی کی
محکمه استینافیه جه بدایة باقلیان مرور زمان
ووفات وقوعك تدقیقه قرار ویرلسی صلاحیت
خارجنده اولدیغندن و سائردهن بمثلله اعلام
استینافی مذکورك نقضی طلبندن و تبلیغنامهك
مفادیده اعتراضات مذکوره بجا کورلیدیکندن
اعلام مذکورك نقضی لازم کلهچکی بیانندن
عبارتدر

اعلام میزبه مألنه نظراً اول امرده قرار
واقعك قابل تمیز اولوب اولمدینی مسئلهسی
لدی المذاکره بردعوانك رؤیتی محکمهك وظیفه
وصلاحیتی داخلنده اولدیغنه دأر ویریلان
مقرراتك اساس ماده حقنده حکم صدورندن
اول تمیزی جائز اولدیغنه دأر اولان اصول
محاکمه حقوقیه قانونك ایکوز اون سکرنجی
ماده مذیلهسی حکمی اقتضاسندن ایسهده اشبو
ماده قانونیه مواد حقوقیهده دأر محاکم حقوقیهدن
ویریلان مقررات حقنده اولوب محاکم جزائیةك
تابع اولدینی اصول محاکمات جزائیة قانونك
اوچیوز یکریمی ایکنجی مادهسی حکمه شعولی
اوله میه جغه و محکمهك صلاحیتنه دأر ویریلان

حکمرک تمیزی ایچون اعلام قطینك صدورینه
انتظار اولنق لازم کلهچکی مذکور اوچیوز
یکریمی ایکنجی مادهك جمله احکامندن بولمسنه
بناءً اعلام میزبهك قابل تمیز اولدینی قرار کیر
اولدقندن صکره ذات ماده حقنده تدقیقات تمیزییه
اجرا اولندقنده قرار ابتدائی خصوص مذکورك
رؤیت و محاکمهسی ایچون متوفای مرقومك
ورثه سنك جلبی ضمننده احضار مذکرهسی
تبلیغندن عبارت اولوب اساس ماده حقنده بر
حکمی حاوی اولماسنه و محکمه استینافیه جزائیةدن
عند الاستیناف بومثللو قرار ابتدائیک فسختی
حالنده اساس مادهك فصل وحسمی ضمننده
اوراقك محکمه ابتدائییه ککوندرلسی لوازم
قانونیهدن ایکن بعد الفسخ مذکور استیناف جزا
محکمه سنك بدایة هنوز فصل وحسم ایدلامش
اولان دعوائی مذکورمك کندوسنك فصل
ورؤیت ایتسنه قرار ویرمسی حق استینافینك
سقوطنی موجب اولمغله صلاحیتی خارجنده
بولنمش و بو ایسه نقض قراری موجب
اسباب قانونیهدن کورلمش اولمغله اصول محاکمات
جزائیة قانونك اوچیوز اون دردنجی و اوچیوز
اون طقوزنجی مادهلری احکامنه توفیقاً اعلام
میزبه مذکورك نقضنه و بوجه محرر ایفای معامله

اولنق اوزره اوراق مرقومهك محکمه مذکورهیه
اعاده سنه ۸ شباط سنه ۳۱۵ تاریخنده متفقاً قرار
ویرلدی .

در سعادت هیئت انهامیه سندن تنظیم واعطا
اولسان ۱۳ تشرین ثانی سنه ۳۱۵ تاریخلی
مضبطةك مفسوخیتنی مستدعی امنیت صندوقی
محاسبه جیبسی سابق اشرف افندی طرفندن
ویریلان ۴ کانون اول سنه ۳۱۵ تاریخلی استعدا
نامه و اوراق متفرعهسی باش مدعی عمومیلک
مأموریت علیه سنك ۲۶ کانون ثانی سنه ۳۱۵
تاریخلی تبلیغنامه بی ایله برلشدیریلرک محکمه
تمیز استعدا دأره سنده لدی التدقیق مذکور
استعدا نامهك تاریخ استجوابه نظراً مدت
قانونیهسی ظرفنده اعطا قلندینی اگلاشلدیغندن
اوراق مرقومه دأره جه قرائت و مطالعه اولندی
مذکور مضبطةك مالی امنیت صندوقك بعض
قیود و دفاتری ایله جز و دانلرینی تحریف ایدرک
ساختمه کارلق یولنده بشیک لیرا قدر اچقه سرقت
ایلدیکی ادعا اولمسنندن طولای مومی ایله اشرف

افندی ایله بوبابده مدخللری اولان علکسان
و ابراهیم افندیلر حقنده اجرا ایدیلان تحقیقات
و تدقیقات نتیجه سنده اشرف افدینك فعل
مذکوره اجتناساری اقراری و اخبارات و امارات
ایله اگلاشلدیغندن قانون جزانك یوزاللی ایکنجی
مادهسی حکمه توفیقاً جنایتله و علکسان و ابراهیم
افندیلرک فعللری ججه درجه سنده کورلیدیکندن
اولوجهله انهاملرینه قرار ویرلیدیکندن و مذکور
استعدانامهده مندرج اعتراضاتك خلاصهسی دخی
امنیت صندوقك دوائر دولندن اولیوب دفاتر
و جز و دانلرینك دخی اوراق رسمیهدن بولمندی
جهتله فعل واقعك تطبیق ایدیلان یوزاللی
ایکنجی مادهیه تماس ایده میوب اولسه اولسه یوز
اللی و یوزاللی بشجی مادهلره تماس ایدر ججه
نوعندن اوله جغه و عکسی حالنده یعنی رسمی
برداره عد اولدینی تقدیرده کیفیتك شورای
دواته عائد اوله جغندن و سائردهن بمثلله مذکور
مضبطةك فسختی طلبندن و تبلیغنامهك مفادی
دخی امنیت صندوقك تجارت و نافع نظارت
جلیله سنه مربوط و مدیر و محاسبه جیبسنك طرف
دولندن منصوب بولمسنه مبنی اعتراضات واقعك
اسباب اربعه فسخیهدن کوریله مدیکندن ردی لازم
کلهچکی بیانندن عبارتدر

ایجابی لدی المذاکره امنیت صندوقی
 سرمایه سی دولتک تحت ضمان و کفالتند اولسنه
 نظراً اموال میریه دن معدود اولسنه و مذکور
 صندوقک مدیر و محاسبه چی و سایر مأمورلری
 با اراده سنیه تعیین اولمقدقلری کی تعادیه دخی
 تابع اولمقدقلری جهته مأمورین دولت علیه دن
 معدود بولمقدقلرینه مبنی مضبطه اتمامیه علیه دن
 در میان اولنان اعتراضاتک ذکر اولنان تبلیغنامه ده
 دخی محرر اولدینی اوزره اصول محاکات جزائییه
 قانونک ایکوز الی دردنجی ماده سننده تعداد
 اولنان اسباب اربعه فسخیه دن بریسته مستلزم
 کوریه مدیکندن ذکر اولنان مفسوخیت
 استدعایه سنک ردینه ۵ شباط سنه ۳۱۵ تاریخده
 اکثریتله قرار ویرلدی .

بروسه داخلنده ادرمید قضاسنه تابع
 خوران قریه سنده ساکن استراطی بنایوط ایله
 بروسه نک نقاش علی پاشا محله سننده مقیم عثمان
 نوری افندی بیننده متحدت دعوائیه دایر
 خداوندکار استیناف محکمه سنندن ۲۱ مایس سنه
 ۳۱۵ تاریخی واون بر عدیلله ویریلان اعلام

مرقوم استراطی بنایوط طرفندن تمیز ایدلمکله
 اعلام مذکور طرفینک اعتراض و جواب
 لایحه لرله بالمطالعہ تدقیقات تمیزیه اجرا سنه ابدار
 قلندی
 اعلام مذکورک خلاصه مالی مزبور
 عثمان نوری افدینک مرقوم استراطی بنایوط
 ذمتده برقطعه آچیق بونو موجبجه الهجینی
 اولان اوچیوز الی لیرایی وقت معینده تأدییه
 ایتامسندن ناشی کشیده ایتدیکی پروتستو
 تاریخندن اعتباراً مبلغ مذکورک مع فائض
 و مصارف محاکمه تحصیلنی ادرمید بدایت محکمه سننده
 طلب و دعوی و مذکور بونو ایله برقطعه
 پروتستو نامه ابراز و اعطا ایتسی و مدعی علیه
 استراطی بنایوطک وکیل دخی بوکی آچیق
 بونولرک مقرلهک جهالت فاحشه ایله مجهول
 اولسندن طولایی احکام قوانینه تطبیقی ممکن
 اولماغله محاکمه معتبر طوتلامسی تقرر ایتسی
 و شو حاله کوره بونو معدوم حکمنده اولوب
 بشبیک غروشدن زیاده دعوالرک ایسه سندسز
 استماعی غیر جائز بولنش اولدینی مدافعه درمیان
 و مدعی دخی مبلغ مذکور مدعی علیه ذمتده
 ایدوکی برقطعه مکتوبنده مندرج اقرار بالکتابه سیله

دخی مثبت اولدینی تدکار و مذکور مکتوبی
 ابراز ایتلری اوزرینه جریان ایدن تدقیقاتده
 مدعینک طلب و دعوی ایلدیکی مبلغ هانکی
 جهتن الهجینی ایدوکی صورت واضحده بیان
 ایده مامسنه و کرچه مشترکاً التزام اولنان طریق
 بدلدن اولدینی ادعا ایتمکده ایسه ده هانکی
 سنه نک طریق بدلی اولوب ونه سبیلله سند
 الندیغک لایقوله ایضاح ایلیمه مامسنه مبنی محله نک
 بیک التیوز اون طقوزنجی و بیک بشیوز یتش
 سکرنجی ماده لر مو جبجه دعوانک مجهولیت
 و عدم صحتی سبیلله ردینه دایر بدایه صادر اولان
 اعلام حکمنه مومی الیه عثمان نوری افندی عدم
 قناعتله بروسه استیناف محکمه سننه مراجعتله
 استیناف دعوی ایتسی اوزرینه جریان ایدن
 تدقیقات استینافیه نتیجه سننده مزبور مکتوبده
 محرر بولنان امضالرک مرقوم استراطی بنایوطک اولوب
 اولدینک درجه اولی محکمه سنجه سؤالنه قرار
 ویرلمشیکن اشبو قراردن نکول ایله خود بخود
 مدعینک رد ادعاسنه قرار ویرلمسی مغایر قانون
 اولدینندن بحثله اصول محاکمه حقوقیه قانونک
 یوز طقسان التجی ماده سنک ایکنجی فقره سی
 حکمنه توفیقاً اعلام ابتدائینک فسخنه و بدایه
 اساس دعوانک رؤیتنه هنوز شروع اولمقدینندن

تصدیق طلبندن عبارتدر
 ایجابی مذاکره اولدقدده اعلام مذکور
 مآلندن اکلاشدینی اوزره محکمه استیناف حکم
 ابتدائی مخالف اصول و قانون کوره رک فسخ
 ایلش اولسنه نظراً کندینسک اساس دعوائی
 یکیدن رؤیت و حکم ایلمسی اصول محاکمه حقوقیه
 قانونک ماده مخصوصه سی ایجابندن ایکن محکمه
 مذکوره جه ماده مذکوره مخالف اوله رق حکم
 ابتدائینک فسخندن صکره دعوانک محکمه بدایه
 حواله سنه قرار ویرلمسی مخالف قانون اولدینندن

اصول محاکمه حقوقیه قانونک ایکسوز قرق
برنجی ماده سی موجباً اعلام مذکورک تقضیه
قانون مذکورک ایکسوز قرق بشنجی ماده سی
حکمنه توفیقاً کیفیتک بالرؤیه اعلامه ربطی ضمنده
محکمه مذکوریه اعاده سنه وزیرده مفرداتی مرقم
اوچوز سکسان اوچ بحق غروش مصارف
تمیزیه نک ایلروده حقسز چقه جق طرفه عائد
اولق اوزره اول امرده مستدعی تمیزدن النسنه
۲۵ کانون ثانی سنه ۳۱۵ تاریخده متفقاً قرار
ویرلدی .

مالیه خزینۀ جلیله سیله قوجحصارده مقیم
حولیسراوغلی مغردیچ پیننده متکون دعوایه دائر
قوجحصار بدایت محکمه سنندن ۲۵ مارت سنه
۳۱۳ تاریخ و بر عددی ایله صادر اولان اعلام
خزینۀ مشار الیهانک محلی وکیل جابندن تمیز
ایلدیکله باش مدعی عمومیکلک مأموریت علیه سنک
مطالعۀ نامه سی التذقدن صکره اعلام مذکور
یالکیز مستدعینک لایحه اعتراضیه سیله بالمطالعۀ
تدقیقات تمیزیه اجرا سنه ابتدار اولندی

اعلام مذکورک خلاصه مائی مزبور
مغردیچ شریکی عثمان چاوشه امانت صورتیه
تسلیم ایتیش اولدینی بررأس اسبی مرقوم عثمانک
اغنام رسومندن طولایی خزینۀ جلیله یه اولان
ذمتیه مقابل مزایده یه چقارایش اولدیغندن
مزایده واقعه نک منعیه مذکور اسبک طرفه
تسلیمی قوجحصار بدایت محکمه سننه بالمراجعۀ
طلب ودعوی و خزینۀ مشار الیه وکیل دخی
مذکوربارگیری مرقوم مغردیچک مرقوم عثمان اغایه
صائمش اولدینی مدافعه بسط و انبا ایتلری و دفع
مذکورک اثباتی ضمنده تعیین اولنان کونده خزینۀ مشار
الیه وکیلک اجابت ایتامسی اوزرینه اولباده اجرا
قلنان محاکمه و تدقیقات نتیجه سننده مدعی علیه
خزینۀ مشار الیه وکیلک یوم معینده اجابت
ایتامسی دفع مشروحنی ایتادن اظهار عجز دیمک
اولدیغندن مجله نک بیک التیوز اوتوز ایکنجی
ماده سی موجباً مدعی بی تحلیف حتی باقی قالمق
اوزره منازع فیه بارکیر موجود ایسه عیناً
تسلیمه و مستهلک اولدینی تقدیرده بدلاً تضمینیه
حکمدن و مستدعی تمیز خزینۀ مشار الیهانک
اشبوحکم علیه سنده لایحه سننده مندرج اعتراضاتک
باشلوجه سی انای محاکمه ده مدعی عمومیکلک
حاضر بولندیریلهرق مطالعه سننک استفسار

مشار الیهان النسنه ۱۸ نیشان سنه ۳۱۴
تاریخده متفقاً قرار ویرلدی .

اعلام

اوچوز اون بش سنه سی مارتک بشنجی
کونی اقشامی والده باغنده چیفه جویرلرده یازمه
قالجیسی پوزانت اغانک خانسی دیواری دله رک
ایجروییه بالدخول سرقتۀ مجاسرت ایلدیکی
ادعاسیله مطنون علیه اولان اورتۀ بویلی دوز
اللی مطروش چکلی الا کوزلی صاری قاشلی
سیاه صاجلی بغدادی بکزیلی پوسته واپورلرنده
اتشیلک ایدن اسکدارلی ضیا بن حسن فرار
ایتمسندن وحقنۀ اجرا اولنان تحقیقات اوزرینه
هیئت اتهامیه دن جنایتله اتهامه قرار ویرلمسندن
ناشی اصول محاکمات جزاییه قانونک اوچوز
یتیش برنجی ماده سی موجباً معامله مقتضیه ایفا
و محاکمه علیه سی بالاجرا قانون جزانک ایکوز
اوتوزنجی ماده سی علاوه سی منطوقجه ایکوز
یکرنجی ماده سنه توفیقاً اوچ سنه مدته کورکه
قولنسنه و اوتوز برنجی ماده قانونیه منطوقجه

اولتامسی مغیار اصول بولندیغندن بحثله اعلام
اعلام مذکورک نقضی استدعاسندن و سالف الذکر
مطالعۀ نامه مائی دخی دعوی واقعه خزینۀ جلیله
مالیه متعلق اولدینی حالده انای محاکمه ده مدعی
عمومیکلک بولندیرلامسی مخالف قانون اولدینی
بیانندن عبارت بولمشدر

ایجابی لدی المذاکره اعلام مذکور
مطالعۀ سنندن منقهم اولدینی اوزره دعوی واقعه
اموال دولته متعلق اولوب تشکیلات محاکم
قانونک التمش بشنجی ماده سی موجباً انای
رؤیتده مدعی عمومیکلک حاضر بولندیریلهرق مطالعه سنه
مراجعت ایدلک لازم کلورکن محکمه جه بودارده
اجرای معامله ایدلامسی مغیار اصول و قانون
بولدیغنه بناءً اصول محاکمه حقوقیه قانونک
ایکسوز اوتوز ایکنجی ماده سی موجباً اعلام
مذکورک تقضیه قانون مزبورک ایکسوز قرق
دردنجی ماده سی حکمنه توفیقاً کیفیتک قانون
دائرۀ سننده بالرؤیه اعلامه ربطی ضمنده محکمه
مذکوریه اعاده سنه وزیرده مفرداتی مرقم
اوچوز اللی سکز بحق غروش مصارف
تمیزیه نک ایلروده حقسز چقه جق طرفه عائد
اولق اوزره اول امرده مستدعی خزینۀ

حقوق مدنيه دن اسقاطيله اموالك حجزيه
محكمه جنايتدن غياباً حكم اولمش و ذكر اولنان
اصول محاكمات جزائيه قانونك اوچوز يتمش
يدنجي واوچوز يتمش سكرنجي واوچوز سكران
برنجي ماده لريله مواد سارمسي احكامنه توفيق
معامله اولمشي مرجعه بيلير لمش اولغاه اعلان
كيفيته ابدار قلندي .

۲۷ ذى القعدة سنه ۳۱۷

۱۵ مارت سنه ۳۱۶

كاسله جي عواديس بنوصيانك تبعه دولت
عليه دن اولوب اقامتكاهي مجهول بولنديني خبر
ويرلان قوندره جي جوجنيان حاجي ابراهيم
عليه درسعادت ايكنجي تجارت محكمه سندن
اللي بش يحق ليرانك گذشته ومصارف محاكمه ايله
برابر تحصيلي حكمنى محتوي استحصالي ايلديكي
۲۶ شباط سنه ۳۱۵ تاريخي و ۵۳۱ نومرولى
اعلام غياييك برقطعه صورت مصدقه سى محكوم
عليه مرقوم حاجي ابراهيمك اقامتكاهي مجهول
بولنديني جهته اصول محاكمه تجارت نظامنامه سنك
يكرمجي ماده سنك دردنجي فقره سى احكامنه
توفيقاً تبليغ اولمش عد اولمش اوزره محكمه نك

باغچه قپوسنده اكسانطوپولو خاننده مقيم
دعوى وكلى نيقولايكي لوغوئينك بيغا قضالى
حافظ نوري افدى عليه درسعادت ايكنجي
تجارت محكمه سندن اون اتى ايرا قرق يحق
غروشك مع فائض ومصارف محاكمه تحصيلي
حكمنى حاوى استحصالي ايلديكي ۲۷ كانون ثاني
سنه ۳۱۵ تاريخي و ۴۷۹ نومرولى اعلام
غياييك برقطعه صورت مصدقه سى موسى اليه
حافظ نوري افدينك اقامتكاهي مجهول بولنديني
جهته اصول محاكمه تجارت نظامنامه سنك

ديوانخانه سنه تعليق اولنديني كبي اوراق حوادث
واسطه سيله دخي اعلان قلندي .

سلج ذى القعدة سنه ۳۱۷

۱۸ مارت سنه ۳۱۶

ازميرده پرمق قپوده مقيم ژ . م . قوندولى
وقومپانيه سنك المانيا دولتي تبه سندن اولوب
اقامتگاهي مجهول بولنان موسيو س . ژ .
غايشله ناشف عليه درسعادت محكمه تجارتي
برنجي مجلس سندن استينافاً استحصالي ايلديكي ۷
مارت سنه ۳۱۶ تاريخي حاوى ومندرجاتي ازمير
محكمه تجارت سندن ويرلان ۲۰ تموز سنه ۳۱۴
تاريخي و ۱۳۱ نومرولى اعلام ابتدائيك فسح
حكمنى محتوي بولنان اعلام غياييك برقطعه
صورت مصدقه سى مستدعينك با عرض حال وقوع
بولان طلبه مبنى اصول محاكمه تجارت نظامنامه سنك
يكرمجي ماده سنك دردنجي فقره سى احكامنه
توفيقاً تبليغ اولمش عد اولمش اوزره محكمه نك
ديوانخانه سنه تعليق اولنديني كبي اوراق حوادث
واسطه سيله دخي اعلان قلندي .

۲۶ ذى القعدة سنه ۳۱۷

۱۴ مارت سنه ۳۱۶

طاشجي اوغلى نيقوليك طوپخانه عامره
روزنامچه قلمى خلفاسندن حسين عوني افدى
ذهتمده محكوم بهدن متباقى از غير تسليم الهجنى
اولان مبالغك تأمين استيفاسى ضتمنده مديون
موسى اليك بك اوغلنده حسين اغا محله سنده
جتمكان سلطان بايزيدخان ولى وقفندن كرجخانه
زقاعنده بش ويدى نومرولى خانه لرده كى ربع
حصه سنك حجزيه فروختى تحت قراره النمش
اولديغندن تاريخ اعلاندن اعتباراً اون بش كون
سكره بالمزايدة فروخته تشبث اولنه جنى بك اوغلى
اجرا مأموريتي جانبدن اعلان اولتور .

۱۱ مارت سنه ۳۱۶

مانوق وارئين اغالرك حسين اغا وزوجه سى
فاطمه خانم ذمترلنده با اعلام مع مصارف محاكمه
الهجقلى اولان بولنان مبالغك تأمين استيفاسى
ضتمنده تحت حجزه النان اسكدارده والده عتيق
محله سنده پياوش دره سى جاده سنده برطرفي
راسمه خانمك خانه وباغچه سى وارقه طرفي شفيقه
خانمك منزل وباغچه سى و بر طرفي حاجي محمد
افدى عرصه سى وبعضاً مظهر افدينك منزل

تقرر ايتمش اولديغندن يوزده بش ضميمه بوندن
دها زيادهيه طالب اولانلرك اشبو تاريخ اعلاندن
اعتباراً اوتوز بركون ظرفنده اعلامات شرعيه
اجرا داره سنه مراجعت ايللري اعلان اولنور .
۱۸ مارت سنه ۳۱۶

وبانچيه سي و طرف اربعه سي چاوش دره سي
جاده سي اشاغی قانده ايكي اوطه واوست قانده
درت اوطه وبر صفه وبر ابدستخانه وبر مطيح وبر
آخور وبر قيو و تخميناً اوچيوز آرشون بانچيه يي
حاوی طقسان ايكي نومرولی خانه اوچ حصه
اعتباريله مديون مومي الهمانك متصرف
اولدقلى ايكي حصه لری تاريخ اعلاندن اعتباراً
اون بش كون صكره بالمزايده فروخته مبادرت
اولنه جنى اسكدار اجرا داره سندن اعلان
اولنور .

۱۴ مارت سنه ۳۱۶

متوفى محمد نوری اقدی ورثه سنك متوفى
فواد بك زوجه سي اقبال خانم ذمتنده قسمت
عسكريه محكمه سندن ويريلان برقطعه مقتضا
اعلامی موجبیه اله جقلى اولان مبالغ معلومه نك
تأمين استيفاسی ضمننده مرهون بولان اسكداره
تابع بلغورلى قريه سنده وجاده سنده واقع ايتمش
طقوز نومرو ايله زمينى هدايى عزيز محمود اقدی
وقفه مقاطعولو اوزرنده موجود بالمله اينه
و كرومى ملك مع كوشك برقطعه باغ بوندن اقدام
مزايديه قونيله رق ليرای عثمانی يوز غروش
سكز بيك يوز غروش بدل ايله طالبي اوزرنده
تقرر ايتمش اولديغندن يوزده بش ضميمه بوندن
دها زيادهيه طالب اولانلرك اشبو تاريخ اعلاندن
اعتباراً اوتوز بركون ظرفنده اعلامات شرعيه
اجرا داره سنه مراجعت ايللري اعلان اولنور .

۱۸ مارت سنه ۳۱۶

متوفى محمد نوری اقدی ورثه سنك متوفى
نجيب اقدی زوجه سي عصمت خانم ذمتنده قسمت
عسكريه محكمه سندن ويريلان برقطعه مقتضا
اعلامی موجبیه اله جقلى اولان مبالغ معلومه نك
تأمين استيفاسی ضمننده مرهون بولان ايوبده
صوفيلر محله سنده وصوفيلر يقوشنده واقع سكز
نومرولى برباب ملك منزل سكز حصه اعتباريله
يدى سهم حصه شايه سي بوندن اقدام مزايديه
قونيله رق ليرای عثمانی يوز غروش حسابيله
درت بيك الای غروش بدل ايله طالبي اوزرنده